



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani Cum Divorvm Elogiis In Singvlos Anni Dies Distribvtis

**Brunner, Andreas
Pfeffer, Wilhelm**

Antverpiæ, 1637

S. Peregrinus Ep. M. 13. Iunii.

urn:nbn:de:hbz:466:1-44055

traheretur in lucem. Mortuo Angeli cecinere
 lessum : palma & casa quasi desiderio viri , &
 alium quemcunque dominum indignantes pro-
 cubuerunt. Quid ad hæc nostra juventus , mori-
 bus juxtà capillisque luxuriantibus in Nabucho-
 donosorem citius, quàm ONVPHRIVM degenera-
 rura ? Ex vit. PP.

*Comas aut vestes supervacuas curare, vel infelicitum
 est, vel injustorum. Nam quid ex talibus expectandum
 aut suspicandum, nisi ut lascivus ille ornatus feminas
 prætereuntes invitet, aut alienis matrimoniis insidietur?*
 S. Bas. de Legend. lib. Gentil.

S. PEREGRINUS EP. M. 13. Junii.

CETHEVM in cunis , in tumulo PEREGRINVM
 dixere. Aternensium Pontifex fuit , cum è
 Langobardis in urbe tyrannidem Alais & Umblo
 obtinerent. Horum ille sæviriem detestatus, Ro-
 mam ad commune orbis asylon D. Greg. Pont.
 Max. transfugit. Sed populus Aternensis PEREGRIN-
 NVM jure optimo jam olim suum repetiit, & verò
 iudice Gregorio etiam obtinuit. Interea cum nec
 ista regna socium ferrent , tyranni duo armis inter
 se collisi sunt, & Alais in suum præsidium, sed exi-
 tium urbis tertium hostem Vitalianum Comitem
 introduxit. Tunc verò , auctore CETHEO, cives
 arma capiunt victumque Alaim, & vinctum Um-
 bloni tradunt. Mox tamen adest CETHEVS , & vi-
 tam capto orat. Sed quæ alteri prodesse studuit,
 sibi etiam nocuit misericordia. Umblo Alais fa-
 ctioni CETHEVM favere credidit. Quare utrum-
 que ad gladium damnat. Cæso Alai cum carnifex
 Pontifici instaret, omnes ad officium vires amisit;
 at non consilia tyrannus. ex ponte in Aternum
 fluxium

fluvium jubet præcipitari. Enatanti saxum jubet appendi ingens, iterumque mergi. Sed vel mortui virtus supra aquas se extulit, docuitque etiam saxa natare. Tumulum deinde primum ignoto Arrianenses dederunt, unaque PEREGRINI nomen. Illum facibus suis cælum nobilitavit; quod ipsum miraculum testis, & ipse miraculosus (cæcus) vidit. Ex Ferrar.

Si aterni Patris inhabitare domum, si rei celestis paricidii teneri nolumus, tetras invidia excludamus insidias: invidiam armorum caelestium viribus comprimamus: quia sicut nos Deo jungit charitas, sic à Deo invidia sejungit. S. Chrysol. serm. 4.

S. ANTONIUS DE PADUA C.

13. Iunii.

ANTONIUS, quem vulgò Patavinum dicunt. S. Francisci discipulus, suis ad conciones verbis à flagitiosâ vitâ quàm plurimos revocavit. Eam ob rem cum oculi dolerent inferno hoste decumbentis in lectulum spiritum elidere faucibus interceptis aggressus est: sed ille unico MARIÆ nomine simul viam loquelæ fecit, simul invidiatorem in fugam dedit. Hæreticum, qui facti Eucharistiæ cultum negaverat, ad saniores mentem & ipsum reduxit. Cum enim mulus impudenter negato aliquam multis diebus, sed præbito dum lautè pabulo, ad ANTONIUM vocatus accessisset, sanctiusque epulum pronus in pedes adorasset, sapere à jumento suo etiam dominus dicebat. Pro concione funebri lucrionis cujusdam palàm edixit, illum æternis inferorum flammis addictum esse, ejusque ad eò rei indicium fore quod illius non pectore, sed arcâ cum nummis suis clausam